

Mi oowe tac masinaikan e ikitomakak e ickwa mikitcikatek

**Nta kikenimakanianowak SPVM epitci kwaiak
ntakikentamowakwen kaki ici
inactaonikowatcin anicinapekwen Val d' Or
ikiwe takoniwewinik SQ.**

Mi oowe nitam ka nta kikentcikatek Phase 1 icinikate

Fannie Lafontaine (tipakonikewinikwe) kakina ka kicikapatak kapi inakamikak
Kobek, Namekosikisis 2016

KAMIKITAMOWATC

Ecinakwak kamikicikatek

Atikamek kisis, 23 2015. Ikiwe kamikitamowate kitci minopitekin kekonan, Ministère Sécurité publique icinikasowak oki mina8a kitci mikitamowate, kitci nanatakikentamowate ati ka ici pi panakewate takoniwewinik otci, Moniak tac takoniewinnik ki minakaniwak. Ikwewak ka ickwa tipatcimowate ati ka ici pi totawakaniwate kamasinatesek ki nakosiwak Enquête icinikate ii ka nakwak kaici masinatesek mitac Radio-Canada kakina ki tipatcimowak kakina kekonan takoniewinnik tac inactonakaniwak weti Val d'Or e panakamikisiwate ati eici inactonakaniwate, e notciawatcin ikwewak acite e osamiawatcin awiakon. Ati kapi inakamikak kakina awiakok okicwaikonawa acite kakina anicinapek.

Takoniwewinik SPVM kionakaniwak wewenta (kionakaniowak) kitci nta kikentamowate ati maia kaiciwepanik. Kawin maci mateitasiwak S.P.V.M. acite B.E.I. kitci mikitamowate iiweni kaki iciwepanik. Takoniwewinik tac kionakaniowak kitci nanata kikentamowate winawakak ati maia kaiciwepanik acite kitci pekatentamoawatcin anicinapen okikiciwawan meka kitci mane awiakon acite kawin otepwetakosiwan. Kitci okiman tac oka nakatciikowan S.P.V.M. mekwate mikitamowate ii. Ka niokonakisitc namekosikisis kaki anonikowan kitci mikitaman.

Ka 2015 atikamekokisis, pinici ka 4 kawasikwatotc kisis 2016, nisomitana acite nianeniwin mamicitamowinan ki inactonakanaiowak acite winawa tipinawe S.P.V.M. oki mikitanawa kitci nta kikentamowate ati maia kaki iciwpanik. Apite kaki wapataiwetc kamasinatesenik Radio Canada takoniwewinik S.P.V.M. ki anonakaniwak misiwe kainikokwak Kebek kitci nanata kikentamowate ati mais kaki iciwepanik. Ka 5 kawasikototc kisis 2016, mi apite kaki nokatetc S.P.V.M. takoniwewini, kwinawa ki ici acitnakaniowak iima Phase 2 kaicinikatenik. Niki ntakikentan epitci ketcinamentakwanowakwen acite epitci tepweientakwanowakwen ini masinaikanan apite ickwa mikicikatekin ini masinaikanan.

Ini tac 38 masinaikanan Phase 1 oki otisikonawan acite oki mikitanawan iki takoniwewinik S.P.V.M. kaki ici anonikowatecin D.P.C.P. kitci nanatakikentamowate kepitci apatanowakwen kekwan kawin ati kaki ici inactonakaniowate acite oka onentanawan kepitci apataniwaken kakina masinaikanan oki otapinan D.P.C.P.kakina masinaikanan kiminakaniwi D.P.C.P. acite kawin ototci oninasinan takoniwewini.

Watan onowe nantam tipatcimowinan Phase 1 :

- 38 masinaikanan atewan iima pitikamik Phase 1. Niki wapatanan 38 masinaikanan D.P.C.P. eki atatotcin iima Phase 2.

- Initac ka 38 masinaikanaan, 31 pepakan ki ikitowak awiakok (nantam tac pepakan ki inatcimowak emikotamoatc ati kaki iciwepanik, kakina pepecik kinta kikenimakaniowak ati maia kaki totawakaniowate).
- Ikitac ka 31 awiakok , 24 ikwewak. 3 tac kawin Anicinapewisiwak.
- 15 masinaikanaan takwanon mamawi 38 ka tasikin eici inactaonakaniowate e notciakaniowate eki tipatcimowak.
- 9 tac ini masinaikanaan takwanon e ikitomakakin eki nakatcipaakaniowate anotcikotc wasak nopimik « Starlight Tours » oticinikatanawa katotamowate, ematcipaakaniowate misawate eka wiposiowate entawenimakaniowate kitci pakakatisiowate.
- Kotakiwan tac masinaikanaan ikitomakanon eki kitci sokapiakaniowate apite katakonakaniowate kekwan kotakiwan awian ini katotakowatecin kawin win takoniwewinin.
- 32 masinaikanaan ini ka 38 katasikin, Val d'Or otcimakanon acite pecotc katakwakin anicinapewakin.

Kaki anonikowan kenakatcitowan

Niki anoniko tac kitci wapataman acite kitci ntakikentamanin ati epitentakwak. Mitac onowe kaki nosoneamanin kitci tipatcimowan ati kaki inanonikowan :

- Kitci witamawakwa kakina awiakok eka iaka paki einentakosite takoniwewini kitci panaaketc.
- Nawate kitci petenakwak iiwe kapimikicikatek
- Nawate kitci tepweientakwak ati eici manatciakaniowate kapi animentcikewate.

Kitci ki mikitaman iiwe kaminikowan mikimowin, ni ki miniko kitci aiamanin kakina masinaikanaan, ati eci takwakin, awiakok acite kitci ki nakickawaka.

- Kakina masinaikanaan kitci aiamanin kitci ici witciikowan.
- Kitci aiamitiak mamaw ka nikanite ka ntakikentakin takoniwewini masinaikanaan acite tac kakina kitci aiakin masinaikanaan kitci witciikote.
- Kitci nakickawakaniowate awiak keki tipatcimote ati maia ka icewepanik.
- Kitci papaicaian ati kaici inakamikak (kananatakikentamote acite kitci witciciowate).
- Kakina kitci kikapitamanin awiakok ka pi ikitowate eici kikentamowate acite e masinatecinowate kekwan enakickawaka.

Kawin kakina ni pakitinikosi kitci mikitamanin masaiakanaan kaici minikwan kitci icitain. Niki iko eta kitci nakatcitoan ati eniicisek .Kawin ni totci nakickawasik ka animentcikewate osameka takonewewinik ka inactaonakaniowate. Acite kawin ni totci icasi e nackickawakaniowate acite ka kakwetcimakaniowate takoniwewinik osam meka natam kamasinatesinik otapatcitonawa acit e tipatcimowate. Kawin ni totci acitecinosi SPVM omikimowinawa.

Ki ocitcikate ati ke totcokatek apite nakickawakaniowate kotakiwak takoniwewinik kitci tepwemakak enentakwak kitci totcikatek :

- Kakina misiwe masinaikanaan kitci nanatakikentamanin.

-
- Kitci ki nakickawakaniwatc takoniwewinik acite kitci wawitciciwatc acite eka kekon kitci nakasek.
 - Kitci kackitowan kitci nakickawaka awiakok kitci ki miniciwatc ati kewinawa eici kikentamowate kekon kaici kakwe nanatakikentaman.
 - Kitci nakwak iiwe ka taci mikitaman ati ke icinakwak.
 - Kakina kekonan kitci apitcitowanin wewenta kitci mikitamanin.

Kakina mikimowin ka minikowan kitci wewenta niki nosonean.

Kaki ici nakomotc aawe kaki

Mi oowe kaki ici nanatakikentak takoniwewini ati kaki inakamisitc otakanak ooma Kebek takoniwewini. Kaki ici wapataman tac SPVM omikimowin kitci kwaiak acite kitci wewenta ati enentakositc kitci totak oki nanatakikentan ati maia kaiciwepanik. Kakina tac ati kaici nakomotc aawe kaki anonakaniwitc kitci mikitak ati eci kackitotc kwaiak kitci mikitakin ini masinaikanan. Minwacin kitci apatakin apitc kotak kekon otci iciwepak kekwan wewenta kitci nakatcicikatek ati kaki ikitonaniwak enakickotatiwatc awiakok acite ati epitci apitentakwakin acite ikiwe kaki nakickawakwa awiakok kamikimowate iima o kitci kekentanawa meka ati ketotamowate.

Ii tac kaki ici nakomowan, kitciki apatak enosoneikatekin kekonan ka apitentakwakin acite kitci nakatcitowan ati epitci kwaiak mikimokwen SPVM ati eci kackitowan acite kitci kwaiak nimikitan ati kaki inanonikowan kawin awiak natotawasi acite kawin awiak nimikockatciikosi acite kawin nimikotasin anotc ati ecitaian. Niki manatciton acite nikanawentan ati eci notaman kekon acite wekonen mamikotcikatek masinaikanikak kaki mikitakin SPVM. Ketcinam tepwemakanon ini masinaikanan acite apatanon emikitcikatek ati kaiciwepak.

Kitci kwaiak acite kitci wewenta ati eici kackitowate oki wawapatawa SPVM atimaia ka apitc wewenta kekwan kawin iiwe kaki inanonikowan ticti mikitaman. Nisweiekinakwan masinaikanan SPVM omikitan enosoneak ati ecinakwanik kitci totak. Iniwe tac 2 masinaikanan pakan kotak kekon mikotcikate iima kaki icwepak anicinapekak, ikwewak kaki totakanowate ickweak tac mikotcikate ematcisewate Mamaw anicinapek acite wemitikocik.

Kantikentcikatek

Kakina nokomowin ki wawapatcikate pepecik acite pepakan. Mi iiti pinama kainatcikatek iiwe kikipionentcikatek.

a. Ati ka ici pi tatatapiwatc acite kawiek e mikitamowatcin masinaikanan

Kawin mocak otci iciwepasion iiwe kaici pi ntakikentcikatek. Takoniwewinik SPVM iima Phase 1 oki totanawa apitc ka cenikatekin masinaikanan ka natakikentcikatekin acite tac ka ickwaikamowatcin acite kepitci inactonakaniwatc, newat kitci pitca inentamowak ikiwe ka pi icicewate. Onowe tac masinaikanan DPCP inikik keki mikitapanin, ikiwe ka icicewate panima oki pitonawa kakina 38 masinaikanan kitci ickwa wikikatekin. acite ikiweniwa ka inactonakaniwatc epi kakwetcimakaniwatc acite e nakickawakaniwatc ikwewak pepecik tipakkonikewinin. kakina meka ici tewak akikak apwaci nta kikentamowate o masinaikaniwa. SPVM oki nanatawa paman awiakon ka icitantcin kitci nta kikentamowate ati kapi icisewate ikiwe ikwewak ka nisakaniwatc, acite tac wipate kitci mikiwewate ii masinaikanan.

- **Wewenta ktctotcikatek acite kitci manatciitinaniwak**

Kakina kanakickakewatc aki ntotawawan acite oki manatcetonawa ati kaki ikitontcin ka matcisentcin, kaki wapakentcin acite takoniwewinin. Ikiwe kananatakikentamowatc ati maia ka iciwepak onisitotawawan acite okikentanawa ati eci animentamintcin anicinapen. Ikiwe takoniwewinik kaki inactaonakaniowatc, paietenakosiwak eanimentamowatc acite owapatana esanakisiwatc. Kawin meka inentakosisiwak etakoniewiniowatc kitci panaakewatc.

- **Ki tewak kainapatisiwatc entakikentamowatc kekon eiciwepanik**

Pakan takoniwewinik ki kikinoamasowak ii eta kitci inapatisiwatc SPVM kaki anonikowatcin. Kitewak iima emikitamowatc acite enta kikentamowatc ati kaiciwepanik maia acite oki ankickawawan iniwe kaki titci tepiakaniwintcin.

- **Mikicikate acite ati epitci kitci sanakakin iini panaakewinan**

Wapataiwewak iki SPVM kamikitamowatc SPVM ati epitci kitci kekon ii kaki icisewatc acite niwapatan ekitci apitentakwak ii kaki iciwepak. Aawe ka kackawitc teciwak oki onaton ati ketotcikatenik emikitcikatenik paietenakwan ati epitci kitci panaakemakak ii kataci mikitak SPVM.

- **Ati katotcikatek emikitcikatek ii panakewin**

Iima tac Phase 1 kiwawapatcikatewan iini mamicitamowinan acite kinakickotatiwak SPVM mamaw SQ acite oki onentanawa eta pecik awiak kitci otcite SQ. Kitci mikitak ii acite kitci mikitak enanata kikentak ati maia kaici panaakaniwanik. Iki tac takoniwewinik kamikitamowatc oki onatonawa ati ketotamowatc emikitamowatc acite onata kikentanawa ati kaikitontcin kainactaoniwentcin iima kitci panaakewinik acite kitci wewenta oki mikimawan ati enentakosiwatc kitci totawawatcin iniwe kaki kitci tepiakaniwintcin. Pecik tac oowe kekon ki icitcikate eka kitci kikentcikatek ati ecitac takoniwewini kamikitak. Pecik tatipatcimowini oki wawapitanan masinaikanan takoniwewinik SPVM kaotcisekin mi WETciki ocipiikatek tipatcimo masinaikanikak. Kisekisiwak tac ikiwe ka animentcikewatc kitci kikenimakaniowatc acite kitci anote kitci ikitonaniwanik. Kataki minosepan teciwak ki icitcikatek eka otcecik kitci notakaniwak nin tac kaintentaman, kipanakamikisinaniwak eki pakitinamowatc kitci notakaniwanik kitci manatciakaniowatc mekwatc ka animentcikewatc.

- **Kawin pakitinakaniwisiwak takoniwewinik kitci pecwapamakaniowatc acite kitci aiamiakaniowatc**

Otaki mikitanawa winawa tipinawe SPVM kakipi icisentcin kotakiwan takoniwewinin otakanak eka kitci opeckamakak ati kaki iciwepak. Kawin otoci kackitosinawa SPVM kitci kikentamowatc ka apitei mikotamowakwen winawakak aca meka nake kimatcitananik enanata kikentamowatc ati kaiciwepanik. Kitci sanakanopan meka nikan kitci kikentcikatek ati ketotamomakak ii kaki mikitamowatc SPVM. Misawatc SPVM eki mikitak ii, SQ oki kikenimawan owitci takoniwewiniwan kaki inactaonimakaniwintcin. Ii tac kanotakaniwak Val d'Or, ki anamenimakaniowak takonniwewinik kawin tc otcecik otoci kackitosin kekon ketci totak SPVM.

- **Ati ecikapawiwatc kamikitamowatc**

SPVM kamikitamowatc ii, Kawin otoci kwakwetcimasiwawan kanikanintcin takoniwewinin kekwan kotakiwan. Kawin pakan otoci totawasiwawan acite oki kwakwetcimawan kekonan kaintentakosiwatc kitci kwakwetcimawatcin enanata kikentamowatc tepwewini.

- **Takoniwewinik kainactaonakaniowate acite ikiwe kaki wapakewate**

Takoniwewinik kakiwapakewak kinackawakaninwak acite kinosoneikate ati kainakonikaniwak kainakonikaniwak kitci totcikatek kawitokawatcin etipakonakaniwintcin awian oki nakickawan takoniwewinin kaki wapakentcin oki acitonawa masinaikani taci eci tipatcimowate ati kaki ici wapakewate acite kiocipiotisowak iima masinaikanikak mitac kaici minawatcin SPVM.

Takoniwewinik Tac kaki inactaonakaniowate, pepakan icinakwa omasinaikaniwa. Iima tac masinaikak Phase 1. 21 iini ka 38 masinaikanan kawin otcu pecik takoniwewini kainactaonakaniowate otcu nakickawakaniwisi kawin meka kikenimakaniwisi ati aawe kekwan kawin takoniwewiniwisi kekwan kinakai aawe ka inactaonakaniowate acite awiak ka inactaonakaniowate acite newat kinipotok aa takoniwewini kaki inactaonakaniowate kotakiwan tac masinaikanan, 15 takoniwewinik ki katcinicawakaniwak kitci tipatcimowak acite kitci ocipiamowate masinaikanikak ati kaiciwepanik acite ii pecik masinaikanan aitci apatakin acite niwin eka entawentcikatekin kakina takoniwewinik kakina takoniwewinik kaki inactaonakaniowate kinackawakaniwak acite okinosoneanawa ati enentakosiowate kitci totamowate.

- **Wewenta e mikitcikatek ka ntakikentcikatek**

Kitci nakwiwak emikitamowate ati kaki iciwepanik ki kitci mikitcikate meka enanata kikitcicatek epitci kakina wickinaniwak kekwan kawin acit kitci nakwiwak enta kikitamowate misiwe kapitci panakewate. Acite oki onentan DPCP kepitci inactaonakaniowakwen kekwan kawin. Kawin eta pecik masinaikan kainactaoniwemakak eka katcpwemakak kata apatasinon keici onentak DPCP kawin iima kaki inanonikowan ici takwasinon kakina tac 38 masinaikanan nitipatcimowan kitci wewenta eki mikitcikatekin acite pepecik misiwe ke wawapatcikatewan SPVM oki ntakikentanan epitci tepwemakanowakwen kekwan kawin acite awenen kaki kakina wickite iima.

b. Kamacikikate kitci paietenakwak ati maia kaiciwepak anicinapekak

Kitci paietenakwan ati kaki ici onentamowate kitci totamowate SPVM acite owitci takoniwewinowan Val d'Or acite mamaw anicinape okimak APNQL. Kawin kakina inentakosisi kitci tipatcimote takoniwewini ati kaki pi iciwepanik niketcinamenima SPVM kitci wewenta oki wapatan ati epitci paietenakwanik eci matcisenik iima anicinapewakikak acite kawia wineta SPVM okackitosin kitci pekatcitote ati eci matcisenik.

- **Panima kitepwetawakanowate ka animentcikewate**

Ikiwe kamikitamowate, kawin enak icitasiwak emikimawatcin, awian kaki notciakaniwintcin kitciki tepweientakosiowate. Ki kikinoamasowak tac kitci ntotawakite kitci wewenta eci kackitowak ati epitci sanakentak kitci tatipatcimote aawe ka kotakitote acite kitci wapataakite etepwetawakite ati ekitote acite kitci kicipientamak osanakentan meka kitci tatipatcimotawatcin takoniwewinin kitakwan ati keici nakickawakitwan ka animentcikewate, kawin otcu kikinawatciosiwak takoniwewinik. Acite kakina kekat kiici tipatcimowak ikiwe kaki ikitowate eki notciakaniowate acite kakina oki ici nanata kikitantawa ikiwe takoniwewinik.

- **Kaki kikinoamasowate takoniwewinik kitci kikitamowate ati eci pimatcioc anicinape**

Misiwe SPVM kakimikimowate Val d'Or ki kikinoamasowak ati ecipimatciotcin kakina anicinapan kaki mikotamowate tac ati ketotak kitci mikitak ii takoniwewini okitci kikitantawa meka mane kekoni ati keici kikinoamakewate ikiwe kaki anonakaniowate. (Ikiwe tac takoniwewinik nawate kinwerc

kataki kikinoamasopinik acitc tac kitci notesewak anicinape takoniwewinik osam meka kawin tepwe o kikenimasiwak anicinapen ati enatisintcin.)

- **Kitewak iima anicinapek kanikaniwate mekwate kamikitcikatek**

Nicin anicinape takoniwewinik kitewak iima mekwate kamikitak SPVM. Pecik abenaquis d'Odanak otci kotakitac Mistassini. 15 pitci pipon kisis kamatcitawate ii MSP ka anonakaniwate kanikaniwate okimak APNQL. Mi pecikwanan wemitikoci takoniwewini kaici pi mikimowate. Mitac oki minentanawa eki mikimontcin iki nicin. Anicinape takoniwewinik. Nawate anic kata ki minosepan SPVM kitci ki apitciopinini takoniwewinin e anicinapewate.

- **Icikiciwewin oowe**

Kawin inotamakewini otci apitisisi acitc kawin ototci natawenimakaniosi kaki kitci tepiakanawate. Anic einentaman kata anicinapemopinik apitc kakwetcimakanawate kekoni. Acitc niki wapatan eka e sanakisiwate e aiमितowate ikiwe ka kitci tepiakanawate acitc tac anicinapek ka kikentamowate kekoni.

- **Witokowakanawak ikiwe kapi kitci nanekatciakanawate acitc witamakaniwak ati ke icawate kitci witciakanawate eka kekon kitci icisewate**

SPVM o witokawan ikiwe ka nanekatciakanawate. Aca acitc ani pecwamitiwak ikiwe ka witciwewate acitc tac ikiwe ka nanekatciakanawate acitc kitci ki mamicitamowate. Nawate acitc kata witciakanopinik weti Val d'Or apitciwin Kitcisakik kekwan Simosakaikan. SPVM oki mikitanawa eka iima Val d'Or kitci icinakanawate ka nanekatciakanawate anic kawin tepwe awiakok tesiwak kitci mikimakaniwapan . Panima wewenta kitci nakitciakanawate ikiwe takoniwewinik.

- **Wawitamakanawak ati kecipi totcikatek mekwate e taci kikentcikatek acitc ati keici onacwewate**

Ni minwentan tac ati kaici pi icitawate kitci witamawatecin ikiwe ka nanekatciakanawate ati kapi icicek mekwate ka mikitcikatekin masinaikanan. Oowe kapi icinakwak kapi nta kikentcikatek, paki oki mamitonentawa eka e ketcinamentamowate ikiwe ka nanekatciakanawate. Enentaman tac, wewenta oki mikitanawa SPVM masinaikanan.

c. **Kawin otci matcicesiwak mamaw winawa takoniwewinik acitc kotakiwak awiakok ka wapatomowate kekoni ka kikentamowate kekoni**

- **Ki tewak ka ntakikentamowate takoniwewinik acitc eki pi icitawate e takoniwewininwate**

- **Ki tewak acitc kotakiwak takoniwewinik ka ntakikentamowate**

- **Wekonenikotc okaki iwanasatciikon takoniwewini misawate kitci kwaiak mikimotc**

Kakina kapi mikitamowate ka natakikentamowate acitc SPVM kacka, ki ocipiitisowak masinaikani. Nicin takoniwewinik ikitowak e kikenimawatecin. Pecik tac kawin otci tesi.(Oowe tac kaici pi icisek osam nawinakwan kitci ki maia nakwak ka iciwepak.)

Ka ani ickwaikikatek

Ickweiak kaki ici onentak Phase 1 SPVM kitci wewenta ati eci kackitowate okimikitanawa SPVM. Kakina kaki icitaian nimikimowinikak oki otapinanawa acitc oki onentanawa kakin tac pepecik

masinaikani oki mikitanawa ka 38 acite oki nosoneanawa ati kitci totamowate SPVM. Niki wapatan tac ati kapitci wewenta mikitamowate eci kackotowate acite.

Wewenta oki nosoneanawa ati enentakosiwate kitci totamowate kisanakan weti Val d'Or emikitcikatek ii acite kawin otci wetasinon takoniwewini emikitak owitci takoniwewinin omasinaikani. Panima meka ki nanata kikenimakaniwi ati kaici panaaketc awiak acitc awenen. Panima kitci nakatcicikate ati eanicisek osa meka kiciwaitinaniwan. Pepaki eta mikotcikate ati kak pi iciwepak. Mieta pepecik awiak kaki ici panaaketc. Kawin win SPVM emikitak otcisesinon kataci matcisek panima kinanata kikentcikatek epitci panaakaniwak acite kewin tipise wawapatcikatesinon Kwaiak tac kata icisepan mamaw eka matcenimitinaniwak acite nawate kata minose kitci nosoneikatek ati eci nakwak kitci totcikatek.

Oowe tac einentaman :

- Wawipate kitci nakitciakaniwate acite kitci witciakaniwate ikiwe ka kitci tepienakaniwate.
- Wipate kitci mikitcikatek ati ketotcikatekipan apite anicinape tipatcimotc masinaikanikak kekoni icisetc nikan weti. takoniwewini acite weti nikan kitci mikotcikatek kitci kikentamowate anicinapek ati e totcikatekin masinaikanan.
- Anicinape tac acite kitci ki apipan iima kitci witokawatcin o witci anicinapeman ati kewin e ici pi inatisitc.
- Kitci kikinoamasiwate kewinawa wemitikoci takowewini.
- Wewenta kitci kikapitcikatek ati eici inactonakaniwate ikiwe takowewinik e osamiawatcin anicinapen nawate kiapate e ikwewate. Acite kawin takoniwewinik osapenimasiwa anicinapen. Mitac panima wipate kata mikitcikatepan kitci minopitcikatek kapi icisek kitci okima anotakan, takoniwewinik acite tac anicinapek ka nikaniwate kitci mikitamowate iiwe kapi iciwepak.

Iitac anicinapekwek kaki ici mamicitamowate weti Val d'Or SPVM takoniwewinikak wapataiwewak emawasakwinowate eka kitci manenimakaniowate kekwan kitci tepakaniowate. Kawin anica otci mamicitasiwak. Misawate eka eki kipawakaniwite iaka pecik takoniwewini ati enentakosite kitci totawakaniwite. Kawintac enak kata kwakwe minopitcikatesinon acite kawin enak takoniwewini apatisisi emikitcikatek ii panaakewin. Ii tac kaki iciwepak, icinakwan kitci kikentcikatek acite kiki kanawentcikatek wewenta anapitc kote kataki iciwepan minwacin tac kitci witcikatek apanikotc kitci mikawinaniwak.

